


Dyrkolbotn Fjellstove as

Dyrkolbotn 119
5994 VIKANES



Leirskole og gjestehus

Tlf: 90 68 01 00
www.dyrkolbotn.com
Org.nr. 917438129mva

Til Alver Kommune

Dykkar ref: 20/10426 – 20/40840
Sakshandsamar: Astrid Riise

Serviceavtale på kloakkreinseanlegg

Dyrkolbotn, 8. juli 2020

Svar på brev frå kommunen datert 26.06 2020:

Det er korrekt at vi har sagt opp avtalen vi hadde med Biovac om service på vårt kloakkreinseanlegg. Dette har eg også meldt frå om til kommunen v/ Hogne Askeland tidlegare. Svaret eg fekk då, var at kommunen ville vente med å opprette sak til de fekk ei melding frå Biovac om det same. Som eg opplyste om, så har vi gjort ny avtale om at Hjelmås VVS skal ta seg av servicen for framtida. Eg reknar med at dei òg sender melding til dykk.

Eg har ikkje fått kopi av kva Biovac no har sagt eller skrive om oss til kommunen. Men det kan sjå ut for at Biovac har gjeve kommunen misvisande opplysningar, ut frå kva som står i dykkar brev 26.06.2020.

Kommunen skriv: «Når serviceavtalen er oppsagt, vurderer Alver kommune at utsleppet er i strid med forurensingslova». Til dette vil eg svare nei; - det trengst utslepp også, for å kome i strid med forurensingslova. Bygningen som kloakkreinseanlegget er bygd for, er ikkje bygd enno. Så det kjem ikkje kloakk inn på anlegget. Biovac forlangte likevel at anlegget skulle setjast i drift straks det var levert. Og at vi skulle betale fulle serviceavgifter uansett.

Rett nok: I ettertid har vi kopla innpå blankt vatn som kjem ut frå sandfilteret til slamavskilleren på fjellstova. Fordi dette vatnet lukta dårleg. Så vi har bitte-bitte litt nytte av at anlegget går, og vert behørig smurt og ettersett, og står og lyser med grønt lys som syner at anlegget har det bra og ikkje slepp ut noko i strid med ureiningslova.

Vi hadde ikkje nokon detaljert avtale med Biovac om vilkår for serviceavtalen, stort sett berre ein avtale om pris. Denne prisen vart avtala i kjøpekontrakten med det strålende firmaet Tison Titlestad, som seinare vart oppkjøpt av Biovac. Biovac erklærte at dei sto ved dei avtalte prisane. Men meir enn avtalt servicepris vart fakturert. Og holdt fast ved etter klage. Ingen ny serviceavtale vart lagt fram for oss, og (negativt) svar på henvending fekk vi ikkje før etter nokre månader. På epost. Dei kunne ringt og snakka med meg i det minste, synest eg. Så mangel på respekt frå Biovac si side var medverkande til at eg sa opp avtalen med dei. Medverkande var også mitt prinsipielle ynskje om å betale til lokale leverandørar for service. Eg mislikar at folk i distrikta vert «mjølka» gjennom provisjon til store monopolistar; - lobby-folk som påverkar lov og regelverk til å passe for seg sjølv og sine produkt meir enn miljø.

Venleg helsing
Signhild Dyrkolbotn/s